



**SINGAPORE
POLICE FORCE**
SAFEGUARDING EVERY DAY

Melaporkan Kes Serangan Seksual

*Proses Siasatan dan
Mahkamah*

Khidmat Sokongan

Jika anda atau orang tersayang anda menjadi mangsa serangan seksual, khidmat berikut boleh memberikan anda sokongan dan nasihat:

➤ **Samaritans of Singapore (SOS)**

Talian Bantuan: 1800 221 4444 (24 jam)
E-mel Pendamping: pat@sos.org.sg
Menyediakan sokongan emosi secara rahsia kepada individu yang sedang mengalami krisis, sedang memikirkan tentang atau terjejas dengan bunuh diri

➤ **Program Sokongan Saksi**

Talian Bantuan: 1800-JUSTICE (1800 587 8423)
(Isnin hingga Khamis: 8.30 pagi hingga 6 petang;
Jumaat: 8.30 pagi hingga 5.30 petang)
E-mel: STATECOURTS_CENTRE_ FOR_SPECIALIST_SERVICES@ statecourts.gov.sg
Menyediakan sokongan kepada saksi yang mudah terdedah kepada bahaya dalam kes jenayah, yang perlu memberi keterangan di mahkamah terhadap pelaku yang didakwa

Risalah ini diterbitkan bersama oleh Pasukan Polis Singapura dan Kementerian Undang-Undang.

Apakah serangan seksual?

Serangan seksual termasuklah kesalahan berikut:

- ⇒ Merogol
- ⇒ Serangan seksual dengan penembusan
- ⇒ Penembusan seksual ke atas budak di bawah umur
- ⇒ Persediaan seksual ke atas budak di bawah umur
- ⇒ Penderaan seksual dan eksploitasi ke atas kanak-kanak atau orang muda
- ⇒ Perolehan aktiviti seksual dengan orang yang mempunyai ketidakupayaan mental
- ⇒ Mencabul kehormatan

Serangan seksual adalah suatu jenayah yang amat kejam. Pihak Polis memandangkan kesemua kes serangan seksual secara serius.

Jika anda seorang mangsa serangan seksual atau tahu seseorang yang menjadi mangsa serangan seksual, laporkan kejadian tersebut kepada pihak Polis. Anda boleh membuat laporan tidak kira bila ia telah berlaku. Maklumat yang anda berikan kepada pihak Polis boleh membawa si penjenayah ke muka pengadilan dan menghalang orang lain daripada mendapat nasib yang sama.

Hubungi 999 jika anda memerlukan bantuan segera dari pihak Polis, atau lawati Pusat Polis Kejiranan terdekat anda untuk bercakap dengan seorang pegawai polis. Identiti anda akan dirahsiakan.

Apakah yang akan Berlaku Setelah Saya Bercakap dengan Pegawai Polis mengenai Serangan Tersebut?

Semasa Siasatan

Serangan seksual boleh menjadi satu pengalaman yang dahsyat dan membingungkan, lebih-lebih lagi jika anda kenal pelakunya. Pasukan Polis Singapura mengambil pendekatan yang lebih berpusat kepada mangsa dalam proses siasatan kami.

<p>1. Seorang pegawai yang terlatih dalam penjagaan mangsa akan membantu anda dengan proses membuat laporan. Pegawai tersebut akan menemuramah anda di dalam sebuah bilik yang sulit. Identiti anda akan dirahsiakan.</p>	<p>2. Anda akan dirujuk kepada Pegawai Penyiasatan (IO) yang telah dilatih khas untuk mengendalikan kes serangan seksual. IO tersebut akan mengambil keterangan daripada anda. Keterangan ialah sebuah rakaman cerita apa yang berlaku kepada anda atau apa yang anda lihat.</p>	<p>3. Jika anda memerlukan sokongan emosi, anda boleh meminta bantuan seorang Pegawai Jagaan Mangsa.</p>	<p>4. Anda mungkin dibawa ke Pusat OneSAFE jika pemeriksaan perubatan forensik diperlukan.</p>	<p>5. IO akan memberitahu anda perkembangan terkini tentang siasatan dari masa ke masa.</p>
--	---	---	---	--

Semasa Pendakwaan

Jika si pelaku didakwa di mahkamah, anda mungkin diperlukan untuk memberi keterangan di mahkamah sekiranya si pelaku mahu dibicarakan. Ada proses-proses yang disediakan untuk menyokong anda sebaik mungkin.

- ⇒ Identiti anda akan dirahsiakan.
- ⇒ Anda boleh memilih untuk memberi keterangan dalam perbincangan tertutup.
- ⇒ Anda mungkin dibenarkan untuk memberikan keterangan di belakang skrin di dalam bilik pembicaraan supaya anda tidak perlu melihat si pelaku.
- ⇒ Mahkamah juga mungkin membenarkan anda untuk memberi keterangan melalui pautan video di dalam sebuah bilik pembicaraan.
- ⇒ Sejarah seks anda dengan orang lain selain dari si pelaku, yang tidak ada kaitan dengan dakwaan tersebut, tidak boleh ditanya kecuali jika pihak mahkamah membenarkannya.

Anda juga boleh menonton video di http://bit.ly/spf_victimsupport untuk maklumat lanjut mengenai membuat laporan kes serangan seksual.

Pemeriksaan Perubatan Forensik

Pemeriksaan perubatan forensik dilakukan oleh seorang doktor dan seorang jururawat untuk mencari dan mendokumentasikan kecederaan anda. Mereka juga mungkin mengambil baju, sampel rambut dari badan anda dan spesimen rembesan yang diambil dari mengelap anggota sulit atau sensitif anda. Ini boleh digunakan sebagai bahan bukti dalam siasatan polis dan sebarang pendakwaan selanjutnya terhadap pelaku.

Pemeriksaan yang dilakukan secepat mungkin adalah sangat penting kerana ini akan memelihara bahan bukti tersebut. Sebelum pemeriksaan dilakukan, jururawat dan IO akan menerangkan prosedurnya kepada anda. Anda boleh bertanya sebarang pertanyaan mengenai prosedur tersebut.

Pusat Pemeriksaan Forensik Penganiayaan Sehati (OneSAFE), yang terletak di Kompleks Polis Cantonment, menawarkan kemudahan dan privasi kepada anda. Di sini, anda boleh bercakap dengan Pegawai Jagaan Mangsa dan pihak Polis. Anda juga boleh menjalani pemeriksaan perubatan forensik di Pusat tersebut.



Bilik Pemeriksaan Perubatan Forensik OneSAFE